


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1940

T 3200/0823.83 11

11 20



廣德州志卷三十二

哈佛大學漢和圖書館珍藏印

選舉志

掾選 壽官

武科 義官

武弁

封贈

廕襲

賓介

掾選

桓譚曰作健曉惠文史無害縣廷之士也以故刀筆  
筐篋不乏偉人州屬掾選萬厯志專舉許煉蓋嘉其  
行事非以官也楊門志刪此門遂并遺許李志復立  
掾選增至八十九人又畧許行事皆非也乃其仕至  
郡司馬而極與例貢等與漢世刀筆吏異矣邱濬大  
學衍義補云周官府史胥徒卽今之吏員漢時始有

試吏入仕之途本朝於科目監生之外有吏員依資格叙用然則舊志所謂掾選實吏員也今據錄之以備一目

明

周

洵

字孔俊宏治間任永福縣典史據周氏譜增

陳其學

隆慶間任浙江樂清縣丞

盧光岳

隆慶間任浙江泰順縣典史以上二人

並據溫州府志增

案溫州府志陳盧俱廣德人不詳入仕之由但丞尉之職掾吏為多故列於此

鄭

然

隆慶間由衛掾任登州黃縣主簿陞汀州府經歷尋陞參軍案李志作丁州府考明地理志

並無丁州今改

案鄭然以下皆據李志間有從譜增者另為注明其不注見某書者即李志也

宋

訓

萬歷間任福建仙遊縣典史

沈承寵

萬歷間任順天戎政府知印

鄭

仕

萬歷間任鳳陽廣儲倉大使

許煉

萬歷志在城人江西樂平縣典史拾金還

人捐產膳弟

許時選

萬歷間任廣東肇慶府陽江縣典史

沈九鼎

字重之萬歷間任長安縣典史陞山東青登衛經歷據沈氏譜增

包邦佩

字汝用萬歷間任蘇州永豐倉大使據包氏譜增

包邦倖 字汝慶萬歷間任湖廣布政司

凌 懿 號竹軒萬歷間任江西吉安府經

周大順 字信卿萬歷間任惠州

戈九男 萬歷間任西華縣 戈自寧 萬歷間任溫州府衛

戈存誠 任沁水縣丞萬歷末致仕歸

劉守任 字以重萬歷間由吏員任濟

劉宏達 字通甫崇禎間由吏員任福建

右本州人以下建平人

紀原英 任嘉祥縣典史 傅 巖 任鳳翔府經歷

傅 英 任會昌縣縣丞 姚 濬 任德州大使

王 珪 任提舉司吏目 蔣 秀 省祭

**案**省祭之名今無知者考明史監生撥各部諸司歷

事或三月或一年滿後送吏部銓選然天順以前須

在監十餘年始得撥歷於是有了憂省祭在家延留

七八年比再入監即得取撥者此監生所以樂於省

祭也又考洪武間諸生在監歲久父母存皆遣歸省

賜以道里費此監生得省祭之所由昉也景泰以後

開納粟之例庶民入監謂之民生亦撥歷事得選州

縣佐貳及府首領此民生未至撥期亦得假省祭之名而家居也李志本縣志列蔣秀等二十人名下祇標省祭二字若係監生當入監選卽待撥歷之民生亦不應入之椽選考明世三途並用進士也監生也吏員也大學衍義補云吏員資格其崇者止於七品用之爲佐貳幕職監當莞庫之職非保薦不得爲州縣正員近年需選者人多缺少有老死不得一官者瓊山上書在宏治初其言已如此其後事例繁興銓法益滯崇禎末工部題准事例內有省祭空年一條

稱考中副榜二等雜職例應省祭七年每少一年納銀二十兩乃知省祭爲考取雜職需選之別名又案本州有潘判官仲明政蹟石刻係萬曆二十七年立其後列名先鄉官次舉監次生員次省祭湯鑾榮遇等十人次里老次鄉民益知所謂省祭者不過差勝于里老鄉民耳但以其竄籍雜職故縣志亦錄之今姑仍其舊而詳其來歷毋使與監混淆焉

湯文

省祭

嚴懋仁

任澧州吏目

史庠

任安鄉縣典史

嚴懋禮

任稅課司大使

潘福省祭

史錄任進賢縣丞

岑淵省祭

史可宗省祭

王思任福建鹽運司知事

夏宗勝省祭

史可詔省祭

張涇任倉大使

王一龍省祭

呂世成任饒州稅課司

潘葑任三水縣典史

王寅省祭

王一麟任叢臺驛丞

陳佳任靈臺縣主簿

潘武任永春縣典史

劉珍任鄒縣典史

王之霖省祭

吳國本任韓府典儀

呂宗道任宜章縣典史

梁允中任南京倉攢典  
攢典安得稱選陋甚  
案

韋詠省祭

韋誥省祭

岑一宏省祭

湯時霖任南京庫大使

呂達柯任天門關巡檢

湯沛霖歷官陽和經歷

王選任河泊下當有闕  
案河

湯志貴省祭

郝憲表省祭

彭應龍案李志縣志均不注官職

王璽任鹿邑縣典史

王珍任南京庫大使

夏之校省祭

姚志憲省祭

王待價省祭

王良輔任順慶府經歷

吳時通

任嘉興府經歷

齊泰華

省祭

王廷賓

任山東兵備倉大使

潘汝瑚

任陽穀縣主簿

呂日新

歷官寧蕃衛經歷

史紹綬

任寧化縣丞

盛一桂

任太和縣典史

王啟敬

任澄海縣典史

王輔臣

省祭

潘廷楫

任山東安東衛經歷崇禎十四年夫婦殉

難忠烈詳

盛廷吉

歷官清流縣知縣

盛士肱

任福建布政司經歷

嚴用禮

任黃梅縣主簿

蔣士範

歷任提舉司

張時和

任徐州利國驛驛丞

景志尙

萬歷間任至松江府同知據縣申增

國朝

李元斗

任上虞梁湖巡檢署嵯縣丞護上虞諸暨兩縣印務海潮湧沒請賑捐款

巫萬業

任天津批驗所批驗所下當有關

案

戈麟德

康熙四十九年任廣西桂林府經歷

孫有文

任河間府獻縣典史

右本州人以下建平人

栢顯貞

順治初任松江浦東場鹽大使據縣申增

韋自陸

任廣東香山縣典史

李文斌

任山西大寧縣典史

王用鐸

任湖廣應城縣典史

張承佐

任山東青城縣典史

劉尙溥

任廣東澄海縣典史

楊恩錫

任山西平陽府司獄



岑開信

任廣東香山縣江村巡檢

王朝棟

任山東長清縣典史

談起鶴

授貴筑縣典史

案李志所載止此

戴

煜

建平人任順天府邢台縣西黃村巡檢

武科

進士

舉人

武科始於唐詳見六典宋世亦稱進士謂之右科明在化治以前舉廢不一正德初始有武舉崇禎辛未始行廷試依文例賜狀元榜眼州故用武之地掇高第者踵出皆干城之寄也其奮跡行伍者歸之武弁猶文之有例貢掾選云爾

明

崇禎十三年庚辰科

雲啟夏

案楊門志不載見李志

李扶寰 建平人 見楊志

國朝

順治六年己丑科

王斌 楊志任保定 衛掌印守備

康熙三年甲辰科

楊明培 建平人 見楊志

以上武進士

武舉人

明

萬曆十年壬午科

王夢鼇 案門李志稱夢鼇己卯壬午二科中式考明史 選舉志並無二科中式三科中式之說此云二科中式當係己卯挑而未中至壬午始獲雋也但志宜只載獲雋之科多贅適以滋惑故削之後凡有舊志書二科中式三科中式者今皆但書其最後獲中之科以歸一例

萬曆二十二年甲午科

王養明 見門志

萬曆二十五年丁酉科

王 焯 見門志

萬曆二十八年庚子科

濮陽 經 見門志

萬曆三十一年癸卯科

蔡之元 見門志

宋 范 見門志

王 棖 舊志未載據王氏譜增

萬曆三十四年丙午科

劉守官 見門志

甯克諭 見門志

吳中望 建平人見楊志

萬曆三十七年己酉科

王夢鶴 門志任豐潤鎮撫歷應天巡撫標營守備

蔡姬允 見門志

戴世胄 建平人見楊志

萬曆四十年壬子科

王有相 見門志

萬曆四十三年乙卯科

戴世纓 建平人 見楊志

崇禎六年癸酉科

王斌 見前武進士

濮陽懋勳 門志任徽州府都司陞遊擊

崇禎十二年己卯科

王自完 門志任南京新江營守備

李扶寰 建平人 見楊志

崇禎十五年壬午科

蔡家榮 見門志 案蔡氏譜名懋時之元長子家榮其塾名也殆中式後改名與

范之齊 見門志

附

濮陽掄 案門李志均不注科分無從查補姑附於此

國朝

順治十一年甲午科

史學鑑 建平人 見楊志

順治十四年丁酉科

姚日昇 建平人 見楊志

姚紹英 建平人 見楊志

楊明培

建平人  
見楊志

胡奇

建平人  
見楊志

康熙二年癸卯科

李時豫

建平人  
見楊志

康熙五年丙午科

王儀

建平人  
見楊志

宗柱

建平人  
見楊志

康熙八年己酉科

蔡錦標

見門志

李驃騎

見門志

李標

建平人  
見門志

戴三鳳

建平人  
見門志

康熙十一年壬子科

呂吉

建平人  
見門志

康熙十四年乙卯科

岑青

建平人  
見縣志

康熙十七年戊午科

雲履亨

見門志

韋永生

建平人  
見縣志

烏昇

建平人  
見縣志

康熙二十年辛酉科

烏颺廷

建平人  
見縣志

康熙二十三年甲子科

盧徽典

見門  
志

潘鼐

見李志  
字龍友詳書目

康熙二十六年丁卯科

劉注

建平人  
見縣志

康熙五十三年甲午科

陳卓

見李  
志

康熙五十九年庚子科

雲載德

見李志  
詳孝友

鄂捷

見李  
志

乾隆三年戊午科

呂劍遠

建平人  
見李志

案舊志所載止此

乾隆十五年庚午科

吳秉鉞 字肇岐現任浙江紹興協副將

乾隆十七年壬申 恩科

沈斌 字昆源江南寧國府營試用千總

乾隆二十一年丙子科

許梅芳

乾隆三十年乙酉科

包羅

乾隆三十三年戊子科

許占鼇

乾隆三十六年辛卯科

包溶

乾隆四十二年丁酉科

張兆樓 建平人

乾隆四十五年庚子科

吳廷奎 字聚星江南督轅試用千總

史瀚 建平人現任浙江紹興協左營千總

乾隆四十八年癸卯科

包太平

乾隆五十一年丙午科

王萬青 建平人督標効力

乾隆五十三年戊申科

吳定國 字江南提標水師營試用千總

乾隆五十四年己酉科

陳梅 字豫章督標試用千總

乾隆五十七年壬子科

包治平

乾隆五十九年甲寅 恩科

吳定爵



武弁

宋

侯巖

建平人縣志有勇畧為江州團練使世稱侯巖將案萬曆諸志均未載又案李志有侯賢將

墓疑即此人

明案萬曆楊門等志武胄首列明初湯達之但達之初從征而即被誣並未授官故詳其事於人物志武功門而

刪此從

濮陽成

萬曆志旌孝都人明初從征歷官至千戶世襲金山衛百戶詳武功

蔡汝蘭

萬曆志二十一都人歷官南贛叅將子歿王事世廕千戶詳武功

蔡允元

蔡氏譜汝蘭子明史世宗紀南韶賊起指揮蔡允元死之詳忠烈

蔡啟元 蔡氏譜汝蘭姪寧波府志官千戶詳忠烈

宋大斌 萬歷志從蔡汝蘭征討起官歷遊擊詳武功

時通 建平人萬歷志初名牛兒洪武初以民兵從征有功御筆改名授百戶

楊文質 建平人萬歷志洪武間從征有功授濟南百戶

時中 建平人萬歷志通之子永樂初陞千戶尋陞指揮僉事其子良襲 案楊門李及縣志俱作時

忠又舊志但云陞千戶而缺其初任之官末云其子良襲又不詳所襲何官竊意其父通從征有功或得

世襲百戶而中與良俱得廕襲者然無從徵考未便臆斷姑於恩廕門補載良名而仍缺其官附識於此

牟達 建平人萬歷志永樂初以民兵調山東萊州衛有功授百戶

包鼎 字鉉如萬歷間以武生効用積勞任徽寧道標下守滿據包氏譜增

許泰允 季志崇禎間任采石都司案都司武職李志誤入掾選今移正

國朝

李國盛 建平人縣志康熙初由將材起官仕至都督世襲拖沙喇哈番詳武功

**案舊志所載止此**

章良臣 章氏譜康熙初入閩從軍起官仕至都督有兵部劄付現藏其家詳武功

潘繩祚 由本營外委授蘇松水師左營千總雍正三年敕封昭信校尉後累陞至都司未任卒

吳宗德 由本營外委陞任江南提標後營把總

吳秉忠 字希瀏由本營外委陞寧國營把總

吳大金 字寶臣由本營外委陞任建平把總

吳秉雄

由本營外委陞寧國營把總

吳秉鈞

字和齋由浙江台州營外委陞至福建閩安協守備

吳鎮邦

字宇安任本營經制外委

奚文煥

字天章任本營建汛經制外委

潘永林

字蔚春任本營外委

封贈

回贈之典上以教孝下以顯親唐宋以來史不絕書矣舊志所載詳畧互異今兩登之至廕襲卽任子遺意尤爲異數然如王儔李唐俊潘偶史並言錄其子一人而無可考僅據舊志錄之如左

宋

章墀

建平人景定七年以子汝鈞貴贈員外郎據縣申稿增

明

姜雲

以子洪貴贈貴州道監察御史楊志贈文林郎案洪見進士

案姜雲至甯慎俱據萬厯志其有他志補注及增入者並另標書名于下後續見楊李志者仿此

張和 以子金貴贈刑部主事門志

黃銘 以子昌貴贈西城副兵馬司楊志贈承仕郎案昌見歲貢

濮陽瑾 以子鉞貴贈東城兵馬司指揮楊志贈承直郎案鉞見歲貢

王本 以子世祿貴贈戶部員外郎楊志贈奉直大夫案世祿見進士

濮陽鈞 以子漢貴贈奉政大夫戶部郎中案鈞萬厯志不載漢見舉人

濮陽瀚 以子伏貴贈光祿寺監事加贈大官署丞楊志贈徵仕郎案伏見職監

李尙質 以子天植貴贈平陽府推官加贈禮科左給事中楊志贈文林郎案天植見進士

巫敵 以子璋貴贈山東兗州府同知楊志贈奉直大夫案璋見舉人

李淳 以子謨貴贈吏部清吏司主事楊志贈承德郎案謨見進士

甯顯貴 以子珂貴贈戶部員外楊志贈奉直大夫案珂見進士

濮陽傳 以子棐貴贈餘杭知縣楊志贈文林郎案棐見舉人

李崇謙 以子得陽貴封吏部郎中楊志封奉政大夫案得陽見進士

夏松 以孫良心貴贈江西左布政加贈巡撫江西右副都御史楊志贈通奉大夫案良心見進士

夏熊 以子良心貴敕封刑部主事誥贈湖廣按察司僉事再贈江西布政司左布政楊志贈通奉大

夫

管實 以子九臯貴贈富陽縣知縣楊志贈文林郎案九臯見舉人

盛世璋

以子廷效貴贈武邑縣知縣楊志贈文林郎案廷效見舉人

李熙英

以子徵儀貴贈清江縣知縣楊志贈文林郎案徵儀見進士

甯慎

以子瑞鯉貴贈南豐縣知縣加贈南京戶部員外郎楊志贈奉直大夫案瑞鯉見進士

案萬厯志所載止此以下據楊志

王憲

字汝章廩生以孫養俊貴贈戶部員外郎據王氏譜增養俊見進士

王夢龍

以子養俊貴封奉直大夫戶部員外王氏譜晉贈廣東布政司右叅政

夏良器

以子之彥貴累贈文林郎應山縣知縣奉政大夫武昌府同知案之彥見選拔

戈維寧

以子簡貴封文林郎晉江縣知縣案簡見進士

戈維藩

以嗣子簡貴贈文林郎晉江縣知縣

蔡廷珍

李志以曾孫汝蘭貴贈昭武將軍案三蔡楊志不載今據李志汝蘭見武職

蔡惠常

李志以孫汝蘭貴贈奉國將軍

蔡玉麟

李志以子汝蘭貴贈鎮國將軍

右本州人以下建平人

呂雍

以子盛貴贈南京戶部主事案盛見進士

宗昌

以子璽貴贈南京大理寺右評事案璽見進士

王遂

以子佑貴贈南京刑部員外郎案佑見進士

潘弈

以子潤貴贈南京禮部郎中案潤見進士

徐鎔

以子金鉉貴贈南京兵馬司副指揮案金鉉見歲貢

張機 以子府貴贈北京兵馬司副指揮

岑蟾 以子維鯤貴贈文華殿中書舍人

岑熙 以子鶴貴贈奉政大夫禮部郎中詳義行 據縣申稿增

國朝

包崱 以子元狝貴贈文林郎平陰縣知縣

戈九家 以子啟斗貴贈文林郎義寧縣知縣

案楊志所載止此以下皆據李志

趙尊聞 以子嗣晉貴贈文林郎城武縣知縣

王起華 以子逢龍貴贈儒林郎山東鹽運判

巫子澄 以子檉孫貴贈徵仕郎直隸通判

王熊 以子廷英貴贈登仕郎太倉州崇明縣訓導

李琦 以子春蔚貴贈登仕郎池州府石埭縣訓導

案李志所載本州人止此

陳紀 以孫惇貴贈文林郎福建古田縣知縣

陳源遠 生員以子惇貴贈文林郎福建古田縣知縣

吳日近 以曾孫秉鉞貴贈武翼都尉

吳之麒 以孫秉鉞貴贈武功將軍

吳宗道 以子秉鉞貴封武功將軍詳賓介

吳宗貴 以子大金貴贈奮武郎江南廣德營左哨把總 案大金見武弁

右本州人以下建平人

史大任 以子學鑑貴贈武德將軍 案學鑑見武舉

戴來賢 以子兆佳貴贈奉直大夫 案兆佳見進士

嚴恭 以子文在貴贈徵仕郎翰林院檢討 案文在見進士

**案**李志所載建平人止此又案李志嚴恭後尚有李

國盛稱以軍功誥贈榮祿大夫考國盛誥贈本身已

詳本傳不復贅列

戴永銓 以子崇禮貴贈登仕郎江浦縣訓導 案崇禮見歲貢

宗洪 以子騏貴贈修職郎江浦縣訓導 案騏見選貢

宗人龍 以子高舉貴贈修職郎淮安府訓導 案高舉見薦辟

史紀清 以孫瀚貴贈武畧騎尉為人長厚年饑有鬻妻者捐金全之 案瀚見武舉

史應淮 生員以子瀚貴贈武畧騎尉

廕襲

宋

吳

震

建平人應龍子任將仕郎  
[案]震[楊門志]俱列在明恩封後今據縣志移正應龍見進士

明

李敷章

州學生以父大司徒得陽廕官  
[案]得陽見進士

夏吉

州學生以父大司馬良心廕歷官戶部郎中  
[案]良心見進士

[案]右三人據楊志以下俱據李志

蔡凱元

汝蘭子襲近衛鎮撫萬歷十七年任瓊崖中軍  
征倭有功給署都指揮僉事  
[案]汝蘭見武弁

蔡懋陽

汝蘭孫襲宣州衛鎮撫陞任千戶



案萬厯志蔡汝蘭傳末云子歿王事世廕千戶今稽之蔡氏譜所謂子者乃允元也允元官指揮而歿於南韶賊事載明史則所謂千戶之廕乃由於允元之死此載凱元懋陽所襲鎮撫當係汝蘭自有之廕而本傳反軼之至其子千戶之廕則此又缺之如謂世廕千戶之職即由於汝蘭而允元別無所廕則汝蘭子孫所襲宜即得千戶何以祇襲鎮撫而尚須陞千戶耶考明史職官志千戶係五品鎮撫係六品千戶鎮撫官既不同可知汝蘭允元各有世職今無從查

補允元子孫千戶之廕姑附識於此

時

良

建平人 案萬厯志武胄門時中名下注云通之子永樂初陞千戶尋陞指揮僉事其子良襲

是良實得廕襲世職但未詳所襲何官耳楊門李志恩廕中遂無良名但既同邀恩廕雖其官不傳其名宜存也特補列於此

國朝

李廷芝

建平人國盛子世襲授奉政大夫縣申稿世襲拖沙喇哈番雲騎尉官至山東青州營遊擊

案國盛見武職

案李志所載止此

李學新

建平人縣申稿廷芝孫其父大觀早世廷芝歿學新應襲乾隆三十四年驗看咨部廕襲拖沙

喇哈  
番

賓介

鄉飲古禮也漢唐宋皆嘗行之明洪武時儀文尤詳而奉行不力往往視爲具文

國朝養老引年遊

仁壽之域者旣膺几杖之賜於朝飫粟帛之頒於野矣而又使有司以時慎擇賓介舉行鄉飲酒禮教孝弟而厚風俗意至遠也舊志所載太畧今據所見及現行詳咨姓名補之至以壽得官及尙義被獎諸人亦應

附列

明

王

森

字公茂學行見重於時正統間屢與鄉飲又嘉

杏王養厚崇禎間王尚勤王尚儉王尚敬俱以耆宿舉飲賓據王氏譜

劉公澄

字能徹景泰間舉飲賓厥後嘉靖間劉思正萬厯間劉士湛俱舉飲賓據劉氏譜

駱仕廉

號竹軒成化間州守藍以仕廉年高有德舉為鄉飲賓又正德間駱璽萬厯間駱守信均以耆

年舉飲賓據駱氏譜

戈鎮

字仲寧寬厚好施一郡推服正德間舉飲賓其族宏治間戈孟熹嘉靖間戈佑萬厯間戈必戈

值戈建城戈守元戈守清戈守勤天啟間戈舜卿崇禎間戈文經俱以齒德舉飲賓據戈氏譜

葛荃

號蓮塘嘉靖間年垂八秩以齒德三舉飲賓據葛氏譜

周桐

字子才萬厯間兩與鄉飲其先嘉靖間周濂周棟其後桐子仁與仲亦俱舉飲賓據周氏譜

章鑛

字世珍積財好施天啟中州守沈舉為大賓贈額日恩榮耆德其先嘉靖初章思紹亦以齒德

舉飲賓據章氏譜

韋銀

字尚玉萬厯間州守何鳳起舉為飲賓其子浹與洽均於崇禎年以耆年有德舉飲賓

潘汝霖

建平人八赴鄉飲見李志職監門

王之棟

建平人任邳州通判縣志云致仕後與賓飲者再詳循吏

李一享

字子嘉崇禎間舉飲賓據李氏譜

孫一洪

字子蕃崇禎十六年舉鄉飲賓其先嘉靖間孫文先亦舉鄉飲賓據孫氏譜

史大典

建平人崇禎時兩與鄉飲據縣申詳義行

國朝

周元徵 字仁伯 康熙三年舉鄉飲賓 其後周明徵於十年周永業於三十年俱舉飲賓 據周氏譜

沈光祖 字裕儒 應洲子 自幼以孝友聞 康熙十二年州守高舉鄉飲賓 贈額曰德音 孔昭 據沈氏譜

韋應燮 字君理 康熙間州守門 以耆年碩德舉鄉飲賓

烏方新 建平人 曾與鄉飲 見李志詳義行

戈而凱 字若奏 康熙辛未舉大賓 州守毛渾贈額曰南國德音 其族又有戈鈞 卿戈一新 戈一信 戈萬

橋均於康熙年間舉 飲賓 據戈氏譜

劉宗順 字安甫 康熙間舉 飲賓 據劉氏譜

步征祺 字祥卿 康熙辛酉州守門 舉飲賓 贈額曰德音 孔昭

吳宗道 字能宏 乾隆四十七年州守 石詳舉鄉飲大賓 互見封贈

宋斌 字人傑 乾隆四十七年 州守石詳舉鄉飲賓

梅本 字 乾隆四十七年 州守石詳舉鄉飲賓

戈烈 字承哉 乾隆四十九年 州守穆詳舉鄉飲賓

沈廷銓 字金源 孝親睦族 好義尚廉 乾隆四十九年州守穆詳舉鄉飲賓

高峙 字鼎三 歲貢生 性循謹 事母孝 喪偶不再娶 乾隆五十六年州守穆詳舉鄉飲大賓

沈承嘉 字亦美 孝友好義 子雲 路雷 行均 遊庠 乾隆五十六年詳舉介賓

梅濟川 字觀海 為人寬厚 誠樸 乾隆五十六年詳舉眾賓

壽官

明

劉余志

必達子號藥圃庠生隆慶元年壽九十六其弟雙慶壽九十三並賜七品冠帶 據劉氏譜增

孫鎮

萬曆三十年壽官其先有孫仁亦以高年賜壽官 據孫氏譜增

沈明岳

字子瞻萬曆間壽踰七旬恩賜冠帶 據沈氏譜增

附僧正通

慶壽寺僧萬曆三十四年壽踰八旬生員陳泰來等呈於州稱其募富賑濟耕溪一保賴

以存活准給冠帶印帖現存今據增

國朝

戈和卿

字承貴康熙間壽百歲州守高拱乾贈額日期頤人瑞 據戈氏譜增

胡永昶

建平人雍正二年給八品頂帶  
見縣志下錢姚韋三人並同

錢鼎襄

建平人雍正三年給八品頂帶

姚士瑚

建平人雍正四年給八品頂帶

韋廷芝

建平人雍正九年給八品頂帶

邱殿揚

監生乾隆元年賜八品頂帶  
見李恩

志下至趙養聖八人並同

王國佐

耿揆先

劉元魁

項伯瑞

彭允旭

季文秀

沈日官

趙養聖

鄭萬金

乾隆元年壽九十六  
恩賜頂帶 據鄭

氏譜 增

義官

明

宋尙廉

嘉靖年間輸粟給冠  
帶 見李志職監

駱憲德

嘉靖二十九年輸粟給冠  
帶 據駱氏譜增詳義行

許思義

庠生歲歉出粟賑濟州守以其行  
上聞授七品冠帶 見李志職監

廣德州志卷三十三

人物志

名臣 孝友

忠烈 義行

循吏 隱逸

儒碩 寓賢

文苑 方技

武功 仙釋



人物難於科第科第三年而一得人物曠代而始出也

廣德趙宋以前僅一朱治已屬借才南唐李約工文而

事實無考自范希文錢君倚洪慶善諸君子相繼教育

而周翠渠鄒東廓復以理學為之倡導於是人材之盛

甲於江左見於史者倪巨濟王儔錢成夫姜敬齋諸人

而查清容沈虛中張介俱以文行顯今就其聲施朝野

者各據曩編分類登載續有見聞隨條鱗次義取錄善

不厭從長也

名臣

率土皆臣名聞者鮮蓋必在國爲碩輔而後在鄉可稱俊彥也桐汭自宋以來簪纓接迹或節鉞封疆釐奸剔弊或洞達時務建議陳書勳業爛如風裁凜然矣萬厯志統稱鄉賢李志概列宦績今特別爲名臣畧者詳缺者補覽之可想見梗概焉

三國吳

朱治字君理丹陽故鄣人初爲縣吏後察孝廉州辟從事

隨孫堅征伐中平五年拜司馬累遷督軍校尉堅卒奉孫策平江東定會稽領太守事策卒與張昭等奉孫權建安七年爲九真太守行扶義將軍征討夷越佐定東南黃武元年封毗陵侯領郡如故二年拜安國將軍徙封故鄣性儉約雖在富貴車服惟供事權優異之時丹陽深地頗有姦叛治以年老思戀土風自表屯故鄣鎮撫山越諸父老故人莫不詣門治引與共飲鄉黨以爲榮在故鄣歲餘還吳黃武三年卒在郡三十一年年六十九子才嗣父爵遷偏將軍才弟紀娶孫策女亦以校



廣德少志 卷三十三  
尉領兵才子琬襲爵為將至鎮西將軍

吳志本傳

**案**呂蒙為廣德長在建安八年則治所屯之故鄣非今州治明矣明一統志以朱治朱然為安吉人入湖州府人物是也但治生在靈帝之世或為吏時猶未分置廣德故仍依舊志列之至治姊子然然子績俱生於漢末雖功勳爛如未敢借才也

宋

倪濤字巨濟

案書錄解題云本永嘉人其父始徙居廣德

少角能屬文博學強

記明一統志年十五試太學第一遂擢進士調廬陵尉

云有操履

信陽教授入為太學正秘書省校書郎著作佐郎司勳

左司員外郎

萬曆志云鯁直不為詭隨

朝廷議有事燕雲大臣爭先

決策為固位計皆心知不可無敢一出口濤獨言其非

且曰景德以來遼守約不犯邊盟誓固在不可渝也天

下久平士不習戰軍儲又訕毋輕議以貽後患王黼怒

曰君敢沮軍事耶於是言者論其鼓唱撰造貶監朝城

酒稅再徙茶陵船場卒年三十九死之明年金人犯關

朝廷憶濤言官其一子有雲陽集傳於世

宋史文苑傳案一統志

作雲陵集二十餘卷互詳書目

李嘉言隆興中進士嘗從范成大使北使事多從其議歷知常饒二州皆有去思

南畿志

尋以尙書充使而還有文

集二十卷

明一統志

案李嘉言舊志無傳今增

案諸舊州志不立傳而今有者皆注曰增其在李志後者不在此例

吳應龍字雲翔建平人嘉定中進士

楊志但云登進士今從南畿志一統志

初尉武進歲凶多方賑恤遷知江陵縣以父喪歸囊無畱鏹服闋知都昌縣大書於庭曰爲國家培植根本爲生民愛恤膏血嘉熙元年陞知興國軍治以最聞四年

趣命入奏以八事爲言曰振紀綱信政令惜名器厲人

才擇牧守選將帥安流離恤饑寒理宗嘉納之拜監察

御史與同列議不合乃以淮漕去官闢源流書院淳祐

三年復起爲饒州郡守次年遷江淮荆浙福建廣南路

都大提點坑冶鑄錢事是歲復遷直寶謨閣廣南西路

轉運判兼提本路鹽事解組歸卒

通志楊志

章汝鈞字和叔建平人淳祐進士授國子監書課官召試

館職首以厚人倫扶國綱爲言以秘書正字家居時里

人多以差役破家汝鈞與梅應發力舉義役行之鄰郡

取則焉後除秘書郎

明一統志南畿志通志

兼莊文太子教授卒

於官自號月華山人有文集二十四卷

楊志

梅應發字定夫自幼神悟十九冠鄉書登寶祐進士

案萬歷選

舉志應發寶祐元年進士舊作淳祐誤今改正

居官忠貞尤崇廉退秩至中奉

大夫直寶章閣及致政歸厚人倫善風俗身隱而名益

彰元復召起之辭以疾年七十八卒有遺稿三十二卷

萬歷志

應發歷任兩朝累官三學橫經王邸秉筆都曹勵

忠貞務廉退仕至直閣爵廣德縣男

明一統志

明

胡展永樂中歲貢任給事中陞左副都御史讜直敢言時

建平馬政擾民展援祖制疏言州居山磧無平原可放

牧免之尋改福建叅政

通志

孫昇字伯高建平人永樂甲申進士除臨清令發廩賑饑

募民墾荒以最擢山東道御史公勤廉慎才能著稱庚

子值蒲臺妖婦唐賽兒作亂青州衛指揮高鳳不能捕

勢甚猖獗攻莒州進圍安邱昇統張旗馬撫王真等敗

賊於諸城山東悉平上嘉昇功賜白金綵緞擢上林苑

監正遼府長史糾劾不避權貴調知建昌府三年惠愛

廉平乞骸歸閉門授徒日以講誦為事

南畿志通志楊志

張政字平夫禮聞子才質聰敏剛正自持永樂年登進士

案政永樂戊戌進士南畿志及萬曆選舉志並同舊作宣德誤今改正

授山西道御史風

裁肅然不避權貴歷陞山西按察使法令嚴明貪墨者

望風解去晉人畏若神明莫敢有犯

萬曆志

章顒字民望天順丁丑進士累官河南道御史其未入西

臺也曹石專橫顒心嫉之以秩卑無言責未發私語所

親曰我非懼禍甘作立仗馬恐以犢觸虎犢死虎威愈

熾耳及為言官錦衣衛指揮門達恃寵作威福顒率同

列劾之下達於獄宵小懼伏憲宗御極之三年周太后

弟長寧伯與真定武陟民爭田刑部郎中彭韶奉命往

勘回奏忤旨下錦衣獄顒疏救之言者踵起遂得釋卒

無子

據章氏譜增

姜洪字希範號敬齋

據萬曆志補

成化十四年進士除盧氏知

縣單騎勸農桑民姜仲禮願代父死罪洪奏免之徵拜

御史

案萬曆志云徵為貴州道御史邑人感泣建祠

孝宗即位陳時政入事歷

詆太監蕭敬內閣萬安劉吉學士尹直侍郎黃景劉宣

都御史劉敷尚書李裕李敏任銘大理寺宋經而薦致

仕尙書王恕王竑李秉去任侍郎謝鐸編修張元禎檢  
 討陳獻章僉事章懋評事黃仲昭御史強珍徐鏞于大  
 節給事中王徽蕭顯賀欽員外林俊主事王純及現任  
 尙書余子俊馬文升巡撫彭韶侍郎張說詹事楊守陳  
 且言指揮許寧內官懷恩並拔出曹輩足副任使他所  
 陳多斥近倖疏辭幾萬言帝嘉納之爲所斥者憾不置  
 宏治元年出按湖廣萬曆志云值歲饑賑活無算楚藩  
 吉王憲廟親弟也請益莊田洪疏  
 其不可事竟寢楚中漕糧以十萬計歲歉輸轉爲艱與  
 總漕辨甚力至貶夏邑長治行如盧氏案明史諸王  
 傳憲宗弟德莊王見潏有請益莊田事而吉簡王見浚  
 無之但其就藩在成化十三年又十年而宏治改元則

邀恩新主事或有之史  
 雖未詳舊志當有據也與督漕都御史秦紘爭文移被

劾所司白洪無罪劉吉欲中之再下禮部會議遂貶夏

縣知縣御史歐陽旦請召還洪不納遷桂林知府猺獞

侵擾古田請兵討平之擢雲南叅政土官陶洪與八百

媳婦約爲亂洪乘間剪滅南畿志云時古田爲羣賊竊  
 據洪疏請討平之萬曆志云

執其麾下楊炯治其辜明年洞蠻  
 來寇上命合兵討之桃古悉平歷山東左叅政正德

二年遷山西布政使劉瑾索賀印錢不應四年二月中

旨令致仕瑾誅起山東左布政使七年以右副都御史

巡撫山西萬曆志云惟  
 收月俸六石未滿歲卒洪性廉直身後喪不

能舉天啟初追謚莊介

明史本傳

案明史有專傳者惟姜莊介一人錢尚書附陶安傳而夏中丞竟不獲與乃郡前輩往復書札都云入明史列傳者止夏仁寰先生而錢姜反未之及

呂盛字文郁號定菴建平人宏治己未進士初授義烏令政聲懋著遷南戶部主事益樹清節出知湖州府時孝豐湯許為寇盛深入其阻諭以禍福兵不血刃而就俘旬日間餘寇悉平尋調去湖士民肖像祠之峴山及守東昌不三載東土大治遷山東按察副使備兵天津地

當孔道武宗南巡時方饑饉盛以無碍官錢給四方流民俾充夫役民不知擾兼給醫藥以療疾疫改雲南屯

田副使疏歸養望林泉士論高之著有唱和諸集

通志楊志

宗璽字朝用號竹谿建平人宏治己未進士授南大理評

事轉左右寺正時逆瑾肆虐多害善良璽獨平反不撓

正德己巳遷山西按察臺官疏其才尋改閩臬莆田寇

起月餘殲之

李志縣志並云民為立石涵頭

平大帽山寇奉旨增秩遷

江西副使時寧藩驕恣兵校乘焰毒民南昌部內首受其虐總制陳金疏劾之璽奉敕按治一無所阿當罪者

必置於法會副使胡世寧疏宸濠不軌十事濠亦以受  
金縱寇誣劾世寧章下藩臬議濠喉致世寧於辟衆持  
疑相向璽獨奮筆白其誣大盜徐九齡聚徒數千攻掠  
璽設策追斬之奉新立祠祀焉改廣西按察使復平叛  
僚歷貴州雲南布政使清公帑巨萬以贍軍旅卒於官

通志

濮陽鉞字廷威

萬歷選舉志字建威諸志俱作廷威

號黃山性剛方遇事敢

言為諸生時抗議定漕制宏治間歲貢任南京東城兵  
馬司會有編戶命御史劉節辟為從事疏通敏達紛挐

立剖世宗登極初應詔陳言八事勤聖學慎始終持大  
體審好尚豐儲賦恤民用節民力省濫費帝嘉納之以

直忤當事罷

楊志

**案**鉞所陳皆君心國計攸關而慎始終一事尤得古

大臣風其畧云陛下左右近習善人固多懷奸者間  
亦有之稍有不謹即墮其術昔明皇開元之初憂勤  
庶政好賢樂善愛民利物始非不善也迨天寶以降  
自以功成治定無有後艱志欲既滿侈心遂生忠直  
寢疎以娛樂為良謨以聲色為急務以李林甫楊國

忠爲周召以安祿山哥舒翰爲方虎皆不能慎終之弊也時承武廟積弛之後銳意釐剔勇行剛斷鉞以求治太急勢將中怠且恐躁進者得以窺伺迎合也故首及之未幾議禮獄興權奸踵至桂萼嚴嵩後先柄用晚年寇賊擾攘享祀弗經營建紛繁帑藏告匱悉如鉞所慮論者謂鉞有先見云今疏稿存於家

李得陽字伯英號景渠嘉靖乙丑進士任蘭谿知縣治績赫然遷戶部主事權准關盡蠲浮苛畱南吏部稽勳司郎中陞九江知府築三洲堤建澄江樓萑苻息警時柯

陳氏本友諒遺種明錮之踞險爲患得陽白當道擇其文理粗諳者給以子衿孽孽潛銷量移廣東兵備副使歸養十年起補漳南道歷任湖廣左布政尋以都御史撫楚鏗成賦役全書永爲規式土司永順請助勦烏蠻意在窺伺得陽裁畫有方羣奸帖息故事採辦大木不及楚稅璫某欲罔利荆沙衡永間令額派疏揭得中止築黃梅城建天柱縣以親老乞養歸萬曆二十九年追嘉撫楚之績賚白金起工部左侍郎會陵殿城諸工鑄造織造燒造諸役並興兼攝通政篆以勞瘁卒官年七



十九囊中惟圖書數卷贈南京戶部尚書諭祭葬廕一子著有理學臆言義蒼子塵外塵談詩文集楊志通志

李謨字子範號清宇博學能文嘉靖乙丑進士任刑部主事委漕運理刑減稅二萬兩頌者載道擢吏部驗封司

主事尋轉稽勳司員外郎為銓曹第一廉吏謨父淳早逝以兄有撫育恩事之如父家產悉分給之通志萬曆志

夏良心字景堯號仁寰隆慶楊門諸志俱誤作嘉靖今從通志辛未進士

除刑部主事歷陞山西叅議轉兩浙水利道築海堤費省功倍有詔加秩賜金按察山東布政河南皆遇饑歉

賑貸有方民賴以甦擢江西巡撫時兩璫權稅歲幾十五萬奏減七萬有奇加兵部右侍郎捐罰鍰四千金設

義倉數百間置田一千二百畝儲粟備賑以積勞卒贈兵部尚書江右諸紳疏請專祀賜名褒德入官三十年

嘗積俸三百金置田贍族而身常蔬布人服其清通志楊志

李天植字性甫號冲涵從鄒文莊講良知學隆慶楊門李志俱誤作嘉靖今從通志辛未進士授平陽推官奏績卓異擢吏科給

事中數上疏言天下大計張居正當國奪情議起天植排衆昌言曰異日謂羅一峯何如人遂忤居正意未幾

鄒元標趙用賢俱以疏糾居正被杖天植疏救甚力會  
 有旨選闈寺多人天植言儒生進學數少中貴選用數  
 多事體倒置語攻政府出叅江西饒南道時毀天下書  
 院當事希相臣意欲并廢白鹿洞膳田天植力持不可  
 且捐餼增益之令諸生講習其中遷湖廣副使鎮長寶  
 二郡值大饑捐俸及贖鍰賑之全活無算轉四川叅政  
 與御史任某素不協上疏肆詆耿司寇定向鄒諫議元  
 標力辨其誣不報旋備兵曹濮有曹令某為郡民請命  
 忤權貴當道欲褫令職天植力爭不得遂解綬歸生平

著述甚富晚更喜易有禮記哀言行世萬歷志

管九臯字汝鳴楊門諸志俱作如號鶴野隆慶庚午鄉薦

知富陽縣崇教化勸農桑綽有令政以卓異擢廣東道

監察御史彈劾不避權貴歷官至陝西廣東副使清操

益勵捐俸却餽所至一塵不染謝政後行囊蕭然家徒

四壁富陽及廉州府俱祀名宦通志萬歷志

李徵儀字于來號涵初天植孫萬歷辛丑進士授弋陽縣

調清江賑饑建學具有實政又改官解南兌米民尤稱

便擢禮部主事轉江西道御史疏言邇來山林實朝廷

虛宿德者彥如鄒元標顧憲成趙南星輩直諫蒙譴宜峻擢以備啟沃閱視山海居庸兩關兵馬條上便宜數事皆報可時建三殿運木集於通州戶部尙書李三才盜買以營私第疏劾之李得譴去殿門所用金磚花斑石解役賄內監虛作厥收冒破銀五十餘萬徵儀盡發其奸置之法中貴傳旨修禁苑臺榭煩費不貲徵儀抗言曰皇上富有四海卽以中人十家產奉清晏懼亦無不可然富家翁之治第必先飭廳事爲子納婦然後以其餘及耳目玩今所急應不在是中貴諸人舌撝不下

徵儀曰第奏御史李某云云可也時三殿燬而未建三壬年長未婚故徵儀言如是語聞報罷巡視長蘆山東鹽政督學畿輔劾墨吏置學田絕干請歷掌十三道印務臺綱肅然推陞大理寺左丞未報可而徵儀以爭枚卜拂衣徑歸天啟癸亥內計修怨者以察典錮之掌院鄒元標大言李某一代正人豈可與某某伍乃并劾罷鄒後疏薦者皆落職去丙寅復起行人司司正甫入京逆璫魏忠賢侄魏良卿謁勿納三至三却璫怒矯旨削籍奪敕命璫誅以推陞銜召就職不應但遣僕領所奪

敕命而已居林下十年築精舍於焦子湖中名聞思菴  
 直指使者按部曲致禮敬皆托疾罕面郡山巉峭履畝  
 二十而稅軍興加派部據舊籍之誤將與田等徵儀具  
 揭力辨始免重役郡儒童數千取額甚隘言於督學寬  
 其額為都御史姜洪請諡新鄒文莊祠置祀田所著有  
 鏡古錄信書等行世

史可法墓誌  
 參楊志通志

王養俊字損之號啟泰萬厯戊戌進士任嘉興府推官疎  
 曠落職家居十載撫按以清操文望交薦起武學教授  
 陞南京戶部主事轉四川按察司僉事陞廣東叅政更

歷中外數十年所至皆清風高節文章俊逸飄飄有仙

氣楊志

夏之彥字士美號予蘭萬厯壬子北闈舉人知湖廣應山  
 縣痛革徵收贏羨行戶供應新學校獎士類都御史楊  
 漣以直諫羅璫禍鍛鍊追賊下本貫承比之彥設櫃募  
 金且鬻產二千金代贖臺檄下漣幼子之言於獄為築  
 別室居之名曰疾疾軒時餽橐饘或為危之之彥曰使  
 某附楊公得禍天下萬世應有知我者遷武昌府緝捕  
 府丞通志柯陳二姓友諒逋裔也負險為患前府丞莫敢

誰何之彥教誨撫循濟以威德嘗鑿壓務嶺通道五十里土人戴之碑曰夏父嶺陞浙江鹽運司運同却常例疏鹽引任事三載商民兩利崇禎初璫誅羅禍諸臣均予贈恤之彥亦特敕優獎其制言有曰破產佐贖推食哺孤繫惟苦心豈曰疆項不惜身家以殉可謂傾心保善者矣

楊志叅桐川樂府

國朝

趙嗣晉字煥望號桐崖天性孝友律已嚴正與物和平坦易善屬文康熙辛未進士授武城令首重學校創義

塾以訓邑之子弟邑接定陶曹縣值汜陽雷澤諸水汜濫嗣晉濬治河道五十里水患以息以優異擢御史鯁骨敢言黃運二河夫役工食素飽蠹蝕嗣晉條論之人沾實惠巡視中城京師煮粥賑饑請更展一月鄉闈同考官荒於簿書者多每至屈抑佳卷嗣晉請加考試以藝工拙分內外簾著爲令康熙四十四年浙江福建江南山東四省死罪以下奉旨減等發落嗣晉疏請直隸各省亦遵此例全省不可勝計嘗會讞積案有張秀士田福奇許可孝者皆論死嗣

晉細覈情罪疏請緩決竟得免死壇祀大禮嗣晉糾失儀者四十七人舉朝肅然州東北相傳有山產煤奸徒鳩黨開挖大爲民害嗣晉寓書兩院痛陳其弊奉檄永禁州人賴之生平清苦自奉喜讀書著有易經彙解通俗演義增刪古文奇賞四書易經文稿內省錄箋釋等書

李志

忠烈

生爲重矣比義則輕此志節之士所以捐生而取義也

聖天子軫恤忠貞褒及勝朝與難諸臣於是廣德夏魁暘及寓居官齊秦王叔英林英四人並得與膺

榮獎實古今曠典也因考宋建炎時嬰城固守同時授命者六人郡士居半後此臨難捐軀蔡氏兄弟其較著者舊志不立忠烈一門致多湮沒非所以仰副

盛世風勵臣節意也今以王儁等有守土之責故與齊王

並見宦績而茲復為旁稽博訪論次軼事焉

宋

王儔大觀三年進士高宗時以通判真州權通判廣德軍

死戚方之難萬歷志方故江淮宣撫司杜充準備將也建

炎三年十一月金人犯建康府充兵潰降於金建康失

守十二月丁丑方擁眾叛趨鎮江守臣胡唐老罵賊死

四年三月己巳方引兵欲趨宣城道過廣德入其郛守

倉黃遣招安無敢往者乃命司戶朱嗣孟詣賊壘陳逆

順為方所殺劫儔二字從萬歷志補儔不屈與權判官李唐俊

權司法潘偶權知廣德縣韋績權丞蔣夔皆死四月乙

酉方圍宣城辛亥統領赤心隊軍兵馬劉晏戰敗死後

贈儔二官唐俊等皆京秩錄其家一人宋史本傳參高

嗣孟劉晏等傳案儔傳云戚方既為劉晏所破引兵

過廣德考高宗紀十二月丁丑方犯鎮江殺胡唐老辛

已金人陷常州劉晏擊走之此晏所擊乃金人非方也晏傳亦然今正之

李唐俊宣和六年進士通志作重建炎末權廣德判官與

王儔等同死戚方之變萬歷志後贈京秩錄其家一人宋史

潘偶重和元年進士通志作政建炎末權廣德司法賊戚

方陷廣德與王儔等俱不屈而死萬歷志後贈京秩錄其

家一人宋史王儔傳

**案**李潘二人事實不詳李氏譜載唐俊以教授判軍

建炎四年十月十日被執不屈訛其日月兼不及卹

典又云其子彭年痛父死非命築廬墓側高宗表其

都曰旌孝考南畿志云彭年以親沒於兵感慕不已

蔬食終身事聞旌表明一統志作二親沒于兵雖不

明言唐俊子而俱云沒於兵與譜相合楊門等志刪

去此語失其實也且以二親言之則唐俊與其妻俱

殉國難矣而譜於其夫人沈氏不言同死又無卒年

忠臣烈婦所繫甚鉅未敢屨入史文附論於此

王汝翼建平人宋末知廣德縣南畿志德祐元年三月甲申

元兵至西海州丙戌知廣德軍令狐槩以城降張世傑

遣將閻順等復取之汝翼時知廣德縣事四月乙巳元

兵入廣德汝翼與寓居官趙時晦率義兵戰鬥山路分

孟唐老與其二子皆死汝翼被執至建康死之孟唐老

贈三官十二日己亥贈汝翼朝奉郎宋史瀛國公紀

**案**趙時晦孟唐老不知其籍慶定間真德秀自劾狀



言有宗室寄居論本軍民病十事知時晦亦必宗室之寓居者也路分官名理宗紀台州有路分董櫛是唐老係本軍之官萬厯志九烈祠乃遺唐老不祀而以其二子繫於時晦下題云宋寓居廣德趙時晦及二子舊忠義祠牌因之書寓公趙公時晦暨二公子誤矣又李志封爵門載宋趙希游蔭襲宮使寶祐二年領兵戍揚州死難封廣陽王以王禮歸葬廣德子孫世居焉考宋史宗室表太祖後燕王房舒國公惟忠生韓國公從靄從靄生武當侯世宣世宣生和國公諡孝榮令驛令驛生青州觀察使子賤子賤生伯諷伯諷生師古師古生希游不言封王其死難事亦不見於紀傳不知李志何據姑附於此

吳琦任太學講書乙亥年死王難

萬厯選舉志

案萬厯志既稱琦爲死難乃僅附注元歲貢中而不爲立傳雖嫌疎畧閱者固知其爲以死勤事者也自楊門李志刪去乙亥以下六字遂使忠魂淹抑者百數十年但元乙亥在順帝至元元年時無王難卽伯顏擅殺唐其勢并弑皇后於琦無與元史百官志國

子監亦並無講書之官考宋史乃知爲德祐元年乙亥也是年元兵下江南所向驚潰宋臣嬰城力戰死者不可勝數其進攻臨安在十一月明年丙子正月宋~~亡~~瀛國公本紀稱羣臣皆遁惟三學生誓死不去特與放釋褐出身意吳死必在是時以琦爲講書實三學諸生之祭酒也或謂志明言乙亥安知非琦致仕家居與王汝翼孟唐老等同時就義果爾何贈官獨不之及耶蓋自少帝北狩降封瀛國之後丙子已爲世祖至元十三年江南無復敢言德祐者故琦

死亦但書甲子爲乙亥耳再考宋職官志國子監直講八人掌以經術教授諸生注云舊以講書爲名淳化五年判監李至奏爲直講以京朝官充其後又有講書說書之名並以幕職州縣官充皇祐中始以八人爲額每員各專一經並選擇進士九經登第之人參用薦舉然則琦非進士卽當以薦舉爲德祐年國子監講書國亡殉難無疑也萬厯志列之歲貢亦非

明

姚恕建平人洪武甲子舉人任杞縣令性介才達綽有政

譽擢河南道監察御史所至振肅官至江西按察使靖  
難兵起宣城陳尙書迪不屈死通志怨陳婿也亦被戮案

楊志云與婦翁陳尙書迪俱以不屈遇害  
縣志云怨陳婿也遂株及焉至今惜之

案陳迪明史有傳稱其子丹山鳳山等六人皆死而  
不及婿怨豈其死時地有異與今據通志錄之

姚善富號惠菴建平人洪武二十八年由明經入太學燕

師起叔父怨以陳迪婿故死節善富又以怨故自經死

詔陳屍御史廊下七十五日初命戮屍繼命改減家屬

遣戍不許收殮妻王氏三伏闕上疏乃得允歸殯通志  
列女

傳參楊乾隆二十三年總督尹匾曰忠節雙高以旌其  
門縣志

夫婦祀善富於忠義祠

案李志改怨為善富弟固非或以怨為善富姪尤謬

據楊門等志稱善富入太學在洪武二十八年而萬

厯選舉志鄉貢門載姚怨洪武甲子年中式歲貢門

又載姚怨洪武十六年貢則就其貢舉之年言之怨

為善富叔無疑也善富之死殉叔實以殉國故文皇

深怒之而暴尸於朝舊志言怨為迪死善富為怨死

乃襲當時避禍遷就之詞耳又不敢公為立傳而附

見列女然日久論定今已見獎當事崇祀於鄉矣特著其事於此

蔡允元字牧卿汝蘭子

據

明史世宗本紀云嘉靖四十三年冬十二月南韶賊起守備賀鐸指揮蔡允元被執死

之萬厯志云汝蘭子沒王事世廕千戶

蔡啟元字純卿汝蘭兄子

據

張時徹寧波府志云啟元以

良家子勤王擊倭奴累戰功授千夫長嘉靖三十八年三月丁酉我兵當賊於奉化之江口橋行列已定鼓而向賊同行者俱錯愕不前啟元獨憤怒裂眦罵不休徑

匹馬縱橫而前與賊逼賊駭或走或伏啟元手格殺數人會天新雨馬行淖潦中不得出力盡矢空顧左右皆散去僅弟昆元與二三家僮不去啟元怒益甚瞋目揮劍罵賊曰吾不啖汝肉非夫也獨殊死戰良久賊乘間涉河繞其背鎗之死踰時猶怒立馬上不墜人共壯之軍門命有司具棺殮給資歸其喪

案二蔡忠義祠舊牌題曰雙忠此雍正五年所崇祀

也考新舊州志皆無之惟萬厯志武胄蔡汝蘭傳有云子沒王事世廕千戶意其爲汝蘭子而楊志則已

改爲以沒王事李志又改爲沒於王事似死事者卽  
汝蘭因取蔡氏譜核之允元果汝蘭子而啟元則其  
兄汝芝之子也譜記事亦未甚明據云汝蘭以浙江  
總督胡宗憲薦授鎮撫調寧波府征倭有功陞守備  
歷官南贛南韶總兵又云允元隨父立功於韶嘉靖  
甲子十月陣亡贈都指揮使考之明史世宗本紀則  
其事大書於是年冬十二月云南韶賊起守備賀鐸  
指揮蔡允元被執死之然後知其炳見正史而珥筆  
者初未嘗深考也衛指揮使正三品則贈都指揮使

固宜萬厯志不書其名及原官贈官而但言廕譜但  
有贈官而無原官及廕交失之矣啟元事雖引寧波  
府志所載甚畧無死年月日及有司棺殮等語今特  
訪求張氏舊志備錄原文張係寧波人官南京兵部  
尙書是志修於嘉靖三十九年去啟元之死纔一年  
耳時徹目擊其事詳志之卷三十二死事傳信而有  
徵譜何以反從畧耶至雙忠之稱今蔡氏祠有明人  
江鐸題額現存雍正初詳請入祠且書之牌蓋本諸  
此但額書江鐸銜稱巡撫偏沉軍務而云嘉靖四十

四年立則又非以是官設於萬曆二十七年征播時也額上又有李得中贊得中卽修萬曆志者贊而不志亦無是理凡此皆流傳之失致多岐誤而二蔡之英聲毅魄歷久彌彰史志旣著其文俎豆復隆其祀垂諸郡乘光施多矣

夏魁暘字宿甫建平人崇禎乙亥以明經訓奉化越三載爲武義教諭多士式之未幾攝浦江令有賊許都者陷義烏井及浦江魁暘誓衆登陴凡六晝夜城破被執抗詈不屈死之縣志云隕於池中遊帥蔣若來求得其尸泣曰真

可謂忠臣矣事聞褒祀楊志

今上乾隆四十一年夏魁暘

賜諡烈愍編入

欽定勝朝殉節諸臣錄第五卷寇難殉節通諡烈愍諸臣中

潘廷楫建平人光祿丞汝霖次子任山東安東衛經歷崇禎十四年安東失守廷楫夫妻不屈並遇害李志選舉門

案廷楫之死楊門志俱不載縣志附見汝霖傳中李志因之摘附職監汝霖下考明史莊烈帝本紀崇禎

十四年六月山東寇起十五年正月山東賊陷張秋東平劫糧艘太監王裕民劉元斌帥禁兵會兗東官軍討平之二月戊申振山東就撫亂民安東之失當在此時廷楫死於寇難與夏魁暘同而事實失傳志家亦遂遺之縣志既有所據又不爲之大書今詢邑人亦無知者或言廷楫字君濟繼妻方氏先是在任生子名魯生卽遣僕送之父所示必死云

附

唐末土人張姓者黃巢作亂率鄉兵捍之誓死不屈遂歿

於溪後人名其溪爲誓節渡立廟祀之

通志

萬曆二十四

年知州段猷顯過之憫其廟址無存勒石表之并序云張姓不知何里人黃巢以凶殘之性肆毒海內所過郡邑無不望風披靡張姓獨率耰鋤之卒奮起而禦之溪上百戰守死以挫其鋒比其敗也駢首而沒於溪數百人無二心者非疇昔恩義膠結而不可解者何能至此若人其漢田橫之流與惜史失其名而年月日時俱不可考亦足悲也余以池陽之役徘徊溪上追其遺蹟則廟址俱亡矣因賦詩弔之爲立石郵亭之前

碑現存互詳名蹟壇

廟

案新唐書黃巢傳僖宗乾符六年十月巢自江西攻  
臨安聞戍將董昌屯八百里懼而還殘宣歙十五州  
廣明元年陷睦婺二州又取宣州時廣德隸宣州則  
知張姓禦賊在是時也



